



Bosnia and Herzegovina
Federation of Bosnia and Herzegovina

CANTON SARAJEVO
Institute for Informatics and Statistics

Broj: 26-11-13813-3/20
Sarajevo, 15.06.2020. godine

Na osnovu člana 64. (Kriteriji za dodjelu ugovora), stav (1), tačka b), člana 70. (Odluka o izboru i odluka o poništenju), stav (1), (2), (3) i (6), člana 71. (Obavještanje kandidata i ponuđača o rezultatima) člana 89. (Dodjela ugovora u postupku konkurentskog zahtjeva), stav (3), Zakona o javnim nabavkama ("Službeni glasnik Bosne i Hercegovine", broj: 39/14), Preporuke i Izveštaja o radu Komisije za javne nabavke, direktor Zavoda za informatiku i statistiku Kantona Sarajevo, donosi

O D L U K U

o izboru najpovoljnijeg ponuđača u okviru Konkurentskog zahtjeva za dostavu ponuda za javnu nabavku usluge: Migracija programa i podataka s postojeće serverske i mrežne infrastrukture na novu serversku i mrežnu infrastrukturu (novi Data Centar)

Član 1.
(Predmet Odluke)

(1) Prihvata se Preporuka Komisije za javne nabavke Zavoda za informatiku i statistiku Kantona Sarajevo u postupku javne nabavke usluge: Migracija programa i podataka s postojeće serverske i mrežne infrastrukture na novu serversku i mrežnu infrastrukturu (novi Data Centar) putem Konkurentskog zahtjeva za dostavu ponuda, objavljen na portalu javnih nabavki, Obavještanje o nabavci, broj: 383-7-2-1-3-1/20, dana 27.05.2020. godine i portalu javnih nabavki Kantona Sarajevo, dana 27.05.2020. godine.

(2) Ugovor o javnoj nabavci usluge iz člana 1. ove Odluke dodjeljuje se izabranom ponuđaču QSS d.o.o. Sarajevo, Ulica Branilaca Sarajeva broj 20, 71000 Sarajevo, Bosna i Hercegovina (u daljnjem tekstu: Izabrani ponuđač), ponuda evidentirana pod brojem: 26-11-19848, vrijednosti: 14.000,00 KM bez PDV-a, odnosno 16.380,00 KM s PDV-om.

Član 2.
(Prijedlog ugovora o javnoj nabavci)

(1) Prijedlog ugovora o javnoj nabavci usluge dostavit će se na potpis Izabranom ponuđaču na osnovu člana 89. (Dodjela ugovora u postupku konkurentskog zahtjeva), stav (3), Zakona o javnim nabavkama ("Službeni glasnik Bosne i Hercegovine", broj: 39/14).



web: <http://zis.ks.gov.ba>
e-mail: zis@zis.ks.gov.ba
Tel: + 387(0)33 560-470, Fax: +387(0)33 560-490
Sarajevo, Reisa Džemaludina Čauševića 1

(2) Izabrani ponuđač se oslobađa obaveze originala ili ovjerenih kopija originala dokaza iz člana 45. (Lična sposobnost) Zakona o javnim nabavkama ("Službeni glasnik Bosne i Hercegovine", broj: 39/14), jer je iste dostavio uz ponudu.

Član 3.

(Stupanje na snagu i objava Odluke)

(1) Ova Odluka stupa na snagu danom donošenja

(2) Odluka će biti objavljena na web stranici Zavoda za informatiku i statistiku Kantona Sarajevo, istovremeno s obavještanjem Izabranog ponuđača.

Član 4.

(Izvor finansiranja)

Finansijska sredstva za potrebe ove javne nabavke su planirana i predviđena u Budžetu Kantona Sarajevo za 2020. godinu.

OBRAZLOŽENJE

Postupak javne nabavke usluge: Migracija programa i podataka s postojeće serverske i mrežne infrastrukture na novu serversku i mrežnu infrastrukturu (novi Data Centar) je pokrenut Odlukom o pokretanju postupka javne nabavke, broj: 26-11-13813/20, od 27.05.2020. godine.

Postupak javne nabavke je proveden putem Konkurentskog zahtjeva za dostavu ponuda.

Ukupna procijenjena vrijednost javne nabavke iznosi 14.000,00 KM.

Komisija za javne nabavke je imenovana Rješenjem o imenovanju Komisije za javne nabavke, broj: 26-30-13812/20, od dana 26.05.2020. godine.

Obavještenje o nabavci, broj: 383-7-2-1-3-1/20 i predmetna tenderska dokumentacija su objavljeni dana 27.05.2020. godine na portalu javnih nabavki, a Poziv za preuzimanje tenderske dokumentacije je dostavljen na adrese 3 (tri) potencijalna ponuđača.

Krajnji rok za prijem ponuda je bio 09.06.2020. godine, do 12:30 sati, a javno otvaranje ponuda je održano 09.06.2020. godine u 13:00 sati u Multimedijalnoj sali Kantona Sarajevo, Ulica Reisa Džemaludina Čauševića broj 1.

Komisija za javne nabavke je direktoru Zavoda za informatiku i statistiku Kantona Sarajevo dostavila Zapisnik o prijemu i otvaranju ponuda, Zapisnik o ocjeni ponuda, Izvještaj o radu Komisije za javne nabavke i Prijedlog odluke o izboru, dana 12.06.2020. godine.

Na osnovu dostavljenih dokumenata utvrđeno je da je Komisija za javne nabavke blagovremeno i pravilno izvršila prijem, otvaranje i ocjenu pristigle ponude te je utvrđeno sljedeće:

- Ukupan broj pristiglih ponuda: 1
- Ukupan broj blagovremeno zaprimljenih ponuda: 1
- Ukupan broj neblagovremeno zaprimljenih ponuda: 0
- Ukupan broj prihvatljivih ponuda: 1
- Ukupan broj neprihvatljivih ponuda: 0



web: <http://zis.ks.gov.ba>

e-mail: zis@zis.ks.gov.ba

Tel: + 387(0)33 560-470, Fax: +387(0)33 560-490

Sarajevo, Reisa Džemaludina Čauševića 1

Komisija za javne nabavke je analizirala dostavljenu ponudu i prateću dokumentaciju, provjerila i utvrdila validnost ponude, u skladu sa zahtjevima i uslovima predmetne tenderske dokumentacije te važećim zakonskim i podzakonskim aktima.

Prikaz ponude prema obliku, sadržaju i potpunosti, prema dostavljenim informacijama:

Redni broj koverta	Broj protokola	Naziv ponuđača	Ukupna cijena bez i sa PDV-om u KM	Način plaćanja	Rok izvršenja usluge	Ponudeni popust
1.	26-11-19848	QSS d.o.o. Sarajevo	14.000,00 16.380,00	30 dana od prijema fakture, žiralno	30 dana od potpisa ugovora	/

Uvidom i analizom ponude, Komisija za javne nabavke je utvrdila da je ponuda ponuđača QSS d.o.o. Sarajevo kompletna, tehnički i formalno-pravna prihvatljiva ponuda.


U postupku prijema, otvaranja i ocjene ponude, direktor Zavoda za informatiku i statistiku Kantona Sarajevo nije utvrdio razloge, nepravilnosti ili propuste u radu, koji bi eventualno bili osnov za neprihvatanje Preporuke Komisije za javne nabavke, a izbor ponuđača je u potpunosti izvršen u skladu sa zakonskim i podzakonskim aktima te predmetnom tenderskom dokumentacijom.

Zbog prethodno navedenih razloga, odlučeno je kao u dispozitivu.

Pouka o pravnom lijeku: Protiv ove Odluke se može izjaviti žalba u roku od 5 (pet) dana od dana prijema ove odluke.

Dostaviti:

- Ministarstvo finansija Kantona Sarajevo
- QSS d.o.o. Sarajevo
- a/a



web: <http://zis.ks.gov.ba>
e-mail: zis@zis.ks.gov.ba
Tel: + 387(0)33 560-470, Fax: +387(0)33 560-490
Sarajevo, Reisa Džemaludina Čauševića 1